

BUTMIRSKI PAKET

Predviđa da se zakonodavna vlast za BiH povjerava **Predstavničkom domu, koji se sastoji od 87 mjesta**, od kojih su tri mjesta garantovana onima koji nisu pripadnici konstitutivnih naroda.

Predviđa da **BiH ima predsjednika i dva potpredsjednika**. Izvršna vlast za BiH bila bi povjerena **Savjetu ministara, koji bi činili predsjednik, odnosno premijer, zajedno s ministrima**.

Ustavni amandmani **predviđaju postojanje Suda BiH, Tužilaštva BiH, Državne agencije za istrage i zaštitu**, te, radi osiguranja nezavisnog i profesionalnog sistema pravosuđa, **Sudski i tužilački savjet**.

Brisala bi se odredba prema kojoj se **članovi Predstavničkog doma biraju neposredno** iz svog entiteta, u skladu sa izbornim zakonom, i dodaje da se biraju **na osnovu opšteg i jednakog biračkog prava neposrednim i tajnim glasanjem** i na način predviđen zakonom **BiH**.

Domovi Parlamentarne skupštine imali bi predsjednika i dva zamjenika predsjednika, koje biraju iz reda svojih članova, a koji će obavljati dužnost u mandatu od četiri godine, osim ako ne budu razriješeni i ne mogu biti iz istog konstitutivnog naroda.

Predsjednici Predstavničkog doma, Doma naroda i premijer ne mogu biti iz istog konstitutivnog naroda.

Dom naroda imao bi nadležnost da razmatra da li je zakon koji je usvojio Predstavnički dom destruktivan po vitalni nacionalni interes, da usvaja amandmane na Ustav i učestvuje u izboru Predsjedništva.

Nakon usvajanja u Predstavničkom domu, svi zakoni se upućuju Domu naroda i smatraju se usvojenim po isteku roka od 15 dana od dana prijema, ako u tom roku većina članova kluba konstitutivnog naroda ne glasa da je taj zakon destruktivan po vitalni nacionalni interes.

U roku od tri dana od dana glasanja o tom vitalnom nacionalnom interesu, dati klub konstitutivnog naroda dostavljao bi pismeno obrazloženje o tome kako je zakon destruktivan po vitalni nacionalni interes.

U bilo kojoj fazi nakon dostavljanja obrazloženja Dom naroda može predložiti amandmane Predstavničkom domu na konačno usvajanje ili potvrditi zakon u obliku u kojem ga je usvojio Predstavnički dom, a za sve odluke potrebna je većina članova koji su prisutni i glasaju iz svakog od tri kluba konstitutivnih naroda.

Ukoliko većina članova drugog kluba konstitutivnog naroda stavi primjedbu na pozivanje na tačku, predsjednik Doma naroda bi odmah sazvao Zajedničku komisiju, u roku od tri

dana po prijemu pismenog obrazloženja koja se sastoji od tri člana, od kojih po jednog bira svaki od klubova konstitutivnog naroda.

Ukoliko ne dode do dogovora predmet se upućuje Ustavnom sudu, koji bi svoju odluku o tome da li je došlo do ugrožavanja vitalnog nacionalnog interesa dostavio Parlamentarnoj skupštini u roku od 30 dana od dana prijema upućenog predmeta.

Prijedlog amandmana na Ustav predviđa da BiH ima predsjednika i dva potpredsjednika, koji zajedno čine Predsjedništvo, a kandidati za predsjedništvo su članovi Predstavničkog doma koji nisu izabrani u Dom naroda i koji imaju pismenu podršku najmanje pet članova Predstavničkog doma, pri čemu svaki član daje podršku samo jednom kandidatu.

Klubovi konstitutivnih naroda u Domu naroda glasaju o imenovanim kandidatima većinom glasova svakog od klubova, birajući po jednog kandidata iz svakog kluba, a Dom naroda će listu predloženih kandidata za tri pozicije u Predsjedništvu dostaviti Predstavničkom domu na potvrđivanje.

Lista bi sadržavala najmanje jednog člana Predsjedništva iz svakog entiteta, a nakon što bi Predstavnički dom potvrdio listu, članovi Predsjedništva birali bi predsjednika, rotacijom ili na drugi način, a u skladu sa zakonom koji donosi Predstavnički dom.

Predsjednik bi predstavljao BiH, potpisivao i proglašavao zakone, na prijedlog Savjeta ministara imenovao i razrješavao ambasadore i izaslanike, potpisivao i nakon saglasnosti Predstavničkog doma, ratifikovao međunarodne sporazume, dodjeljivao odlikovanja i druga priznanja, akreditovao i primao ambasadore i izaslanike, davao pojedinačna pomilovanja uz sapotpis premijera, imao nadležnosti sazivanja sjednica Savjeta ministara i Parlamentarne skupštine, imenovao kandidata za premijera, nakon konsultacija s političkim strankama zastupljenim u Predstavničkom domu.

Predsjedništvo bi vršilo vrhovnu komandu i kontrolu nad oružanim snagama i imenovalo članove Upravnog odbora Centralne banke BiH.

Izvršna vlast za BiH bila bi povjerena Savjetu ministara, koji bi činili predsjednik Savjeta ministara, odnosno premijer, i ministri.

Nadležnosti Savjeta ministara bile bi da vodi spoljnu politiku BiH, izvršava akte Parlamentarne skupštine, predlaže zakone Predstavničkom domu, predlaže godišnji budžet, donosi podzakonske i druge akte, usmjerava rad institucija i tijela Savjeta ministara, osigurava da BiH ispunjava domaće i međunarodne obaveze.

PRUDSKI PAKET

Predsjednici stranaka dogovorili su se o sljedećem:

USTAVNA REFORMA – Predmet razgovora o ustavnoj reformi su sljedeće teme:

Usklađivanja Ustava BiH s Europskom konvencijom o temeljnim ljudskim pravima i slobodama –

NADLEŽNOSTI DRŽAVE, FUNKCIONIRANJE INSTITUCIJA BiH I TERITORIJALNA ORGANIZACIJA-SREDIŠNJA RAZINA VLASTI

Strane su suglasne da se Ustav mijenja kroz amandmansko djelovanje na postojeći Ustav i da će se koristiti stručna pomoć međunarodnih institucija:

DRŽAVNA IMOVINA - strane su suglasne da se to pitanje riješi na taj način što bi u vlasništvu države bila uknjižena nepokretna imovina potrebna za rad državnih institucija, uključujući tu i perspektivnu nepokretnu i pokretnu vojnu imovinu. Ostala imovina, kao i neperspektivna vojna imovina, pripala bi entitetima, odnosno županijama i općinama, sukladno potrebama entitetskih, županijskih i općinskih institucija. Ukoliko dio nepokretne vojne imovine u budućnosti ne bude bio potreban oružanim snagama, odnosno vojnim institucijama BiH, ta imovina prelazi na entitete na čijem se prostoru nalazi.

POPIS PUČANSTVA – Strane su suglasne da se donese zakon da se donese Zakon o popisu pučanstva na razini BiH koji će biti održan 2011. godine, te da taj popis sadrži sve neophodne elemente prema EUROSTATU, uključujući i pokazatelje etničke, vjerske i jezičke pripadnosti, pod uvjetom da popis pučanstva iz 1991. g. bude i dalje osnova za nacionalnu zastupljenost u svim državnim, entitetskim, županijskim i općinskim institucijama zaključno do 2004. g. Strane su također suglasne da Parlament BiH usvoji program mjera za pomoć povratku i održivom ostanku, uključujući tu i pomoć svim raseljenim osobama.

Pitanje pravnog statusa Distrikta Brčko, suglasne su sve tri strane, urediti Ustavnim zakonom, odnosno Zakonom sa ustavnom 2/3 većinom.

FISKALNO VIJEĆE - Predsjednici stranaka dali su potporu odluci Fiskalnog vijeća vezano za utvrđivanje proračunskog okvira za 2009. g. koja je donesena 06. 11. 2008. g. i traži da se pristupi izradbi proračuna za narednu godinu.

REKONSTRUKCIJA VIJEĆA MINISTARA BiH - Strane su razgovarale i o potrebi rekonstrukcije Vijeća ministara BiH te su se dogovorile da razgovore na tu temu nastave.